

Script of Evening Gojri News Bulletin

19 November 2024 at 1700 Hrs

ایوٹننگ گو جری نیو ز بلیٹن مو رخہ 19 نومبر 2024

یوہ آکا شوانی جموں بے ظفر اقبال تے اظہر حسین تیں خبر سُنو۔ پہلاں خاص خاص خبر۔

1★ وزیر اعظم نریندر مودی نے برازیل مانہ منعقدہ جی 20 اجلاس سنگ خطاب کرتاں واں گلوبل ساؤتھ غی حالت زار غا مسائل نانہ اُجاگر کرتاں واں عالمی مُلکاں نانہ کہیو جے عالمی سطح ور منفی مسائل جن مانہ خوراک، ایندھن تے بیج غی فراہمی متاثر مُلکاں مانہ پورا کرن نانہ ترجیح دیں۔

2★ کہر کوٹھاں تے شہری معاملن غا مرکزی وزیر منوہر لال نے کہیو بے جے برکنہ غو پکا کہر مانہ ربن غا خواب نانہ پی ایم اے وائی یو 2.0 سکیم غے تحت پورو کیو جائے گو۔

3★ وزیر داخلہ امت شاہ نے کہیو بے جے مُلک نے زیا دہ تر تنازعات غاشکا ر علاقن مانہ تشدد نانہ کہٹ کرن مانہ نمایاں کامیابی حاصل کی بے۔

4★ تے محکمہ برائے جل شکتی، جنگلات، ماحولیات اور قبائلی امور گا وزیر جا وید احمد رانا نے جموں صوبہ مانہ پانی غی فراہمی با رے جائزو لیو اور حکم جا ری کیو جے بغیر اجازت غے بند پمپ قائم کرن آلاں غے خلاف قانونی کاروائی عمل مانہ آئی جائے گی۔

خبراں غی تفصیل نال پہلاں ظفر اقبال۔

PM G20 Address

وزیر اعظم نریندر مودی نے جی 20 غو اجلاس جھپڑو جے ریو ڈی جناریو برازیل مانہ منعقد ہوؤ بے اُت اجلاس سنگ خطاب کرتاں واں گلوبل ساؤتھ غی حالت زار ور زور دتو بے۔ جناب مودی نے اپنا خطاب مانہ جی 20 ملکاں گا لیڈراں نانہ ان ملکاں غی پریشانیاں جس مانہ ایندھن، خوراک، بیج غی فراہمی با رے آگاہ کیو۔

جناب مودی نے اپنا خطاب مانہ مزید کہیو جے غریبی تے فاقہ کشی نانہ ہم سب مل غے ختم کر سکاں۔ جناب مو دی نے مزید کہیو جے برازیل نے بھارت مانہ منعقدہ جی 20 غے دوران وی اس گل غی حمایت کی تھی تے برازیل نے اپنا مُلک غا لوکاں واسطے اہم دوستانہ فیصلہ وی لیا ہیں۔ جناب مو دی نے بھارت مانہ منعقدہ جی 20 غا موضوع جھیڑو جے ”اک زمین، اک کنبو تے اک مستقبل“ تھو نانہ اک بار پھر یا د کرتاں واں کہیو جے ہم سب نانہ مل غے عالمی سطح غا مسائل تے للکاراں ور کم کرن غی لوڑ ہے۔ اس اجلاس مانہ یوہ دیکھیو گیو جے غریبی تے فاقی کشی غے خلاف اک عالمی اتحاد ہوؤ جسنانہ 80 مُلکاں نے حمایت دتی۔ جناب مودی نے اپنا مُلک با رے جانکا ری دیتاں واں دسیو جے بھارت مانہ ڈھائی کروڑ لوکاں نانہ گذشتہ دھائی مانہ غریبی توں باہر کڈیو گیو ہے۔ وزیر اعظم نے مزید دسیو جے 8 کروڑ بھارتی شہریاں نانہ مفت مانہ اناج فراہم کیو جا ریو ہے تے اسے طرح صحت بیمہ غے تحت ساڈھا 5 کروڑ افراد نانہ تحفظ دتو گیو ہے۔

PM Sagarmanthan

وزیر اعظم نریندر مو دی نے کہیو ہے کہ اک آزاد، کھلا اور مضبوط سمندری نیٹ ورک واسطے بھارت غو نظریو پوری دُنیا مانہ گو نج ریو ہے۔ وزیر اعظم نے یاہ گل نوی دہلی مانہ ساگر منتھن دا اُشین ڈاٹلاگ غا کامیاب انعقاد واسطے بندرگاہاں، جہاز رانی اور آبی گزر گاہاں غی وزارت غی کو ششاں غی ستائش کرتاں واں کہی۔ اُنہاں نے کہیو کہ ساگر منتھن غی کامیابی واسطے اتفاق رائے پیدا کرے۔ وزیر اعظم نے کہیو جے ساگر منتھن جھیڑو جے اج اختتام پزیر وے گو اس غو مقصد خیالات غا تبادلہ، مستقبل اور ترقی غا نظریہ نانہ وسیع کرن واسطے ماہرین غی حوصلہ افزائی کرے۔

PMAY-U 2.0

کھر کوٹھاں تے شہری معاملن غا مرکزی وزیر منوبر لال نے کہیو ہے جے برگنبہ غو پکا کھر مانہ ربن غا خواب نانہ پردھان منتری آواس یوجنا 2.0 غے تحت پورو کیو جا ئے گو۔ جناب منوبر لال نے نوی دہلی مانہ پی ایم آواس یوجنا 2.0 ور قومی

ورکشاپ غی افتتاحی تقریب غے دوران یاہ گل کہی۔ اُنہاں نے مزید کہیو جے اس سکیم غے تحت مُلک غی معیشت وی بدھی ہے تے اس طرح 3 کروڑ توں متا روزگار غا واقعہ وی پیدا ہو سکیں گا۔ جناب منوبر لال نے پی ایم اے وائی یو 2.0 غا لاگو کرن ور زور دیتاں واں کہیو جے اس سکیم غے ذریعے ہر اُس فرد توڑی فائدو پُجے غو جھیڑو آخری قطار مانہ وی کھلو وے گو۔ قابل ذکر ہے جے پی ایم اے وائی یو 2.0 نفاذ غا مرحلہ مانہ ہے۔ جس غے تحت 25 توں متی ریا ستاں تے مرکزی زیر انتظام علاقہ نے شہری معاملہ غی وزارت سنگ مفاہمت ناماں ور دستخط کیا ہیں۔

IFFI Goa

بھارت غا عالمی فلم میلہ غو 55 ووں شمارو پلک گواہ مانہ شروع وے گو تے اس مہینہ غی 28 نومبر تک چلے گو۔ گواہ غا وزیر اعلیٰ ڈاکٹر پرمود ساونت نے وزارت اطلاعات ونشريات گا اعلیٰ عہدیدار تے گواہ تفریحی سو سائٹی غے ہمراہ گذشتہ کل اک پریس کانفرنس غے ذریعے اس تقریب بارے جانکاری دتی۔ ڈاکٹر ساونت نے اعلان کیو جے اس فلم تہوار غے دوران 180 بین القوامی فلم جھیڑی جے 81 ملکاں سنگ تعلق رکھیں اُن نانہ اس میلہ غے دوران سکرین ور دسیو جائے گو۔ اس فلم تہوار غے دوران فلم انڈسٹری توں بڑی شخصیات جن مانہ اے آر رحمان، آر مدھاون پنکج کپور تے کئی ہو ر بڑی شخصیت شامل ویں گی۔ اس سال اس فلم تہوار مانہ اسٹریلیا نانہ توجو غے طور ور چنیو گیو ہے۔ گواہ ریا ستی سرکار نے اس تہوار واسطے تمام ترتیاریں مکمل کر لی ہیں۔

All Party Meeting

سرکار نے پارلیمنٹ غا سرمائی اجلاس غے پیش نظر اس مہینہ غی 24 تا ریخ نانہ تمام سیاسی پارٹیاں غی اک کُل جماعتی میٹنگ بلائی ہے۔ میٹنگ مانہ سرکار پارلیمنٹ غا سرمائی اجلاس لگن بارے جس مانہ لوک سبھا تے راجیہ سبھا شامل ہیں سرکار تمام سیاسی پارٹیاں کولوں پارلیمانی اجلاس نانہ بہتر تے احسن طریقہ سنگ چلن بارے تعاون وی منگے گی۔ قابل ذکر ہے جے یوہ پا رلیمانی اجلاس اس مہینہ غی 25 تا ریخ توں اگلا مہینہ غی 20 تا ریخ تک چلے گو۔

IAF Commander Conference

بھارتی فضائیہ غی 3 تہاڑاں ور مشتمل ششماہی کمانڈر کا نفرنس نوی دہلی مانہ چل رہی ہے۔ دفاعی وزیر راجناتھ سنگھ اس منعقدہ کا نفرنس مانہ اچ خطاب کر رہیا ہیں۔ اس کا نفرنس مانہ بھارتی فضائیہ غا چیف تے اٹر چیف ما رشل امر پریٹ سنگھ وی موجو د ہیں۔ اس کا نفرنس غا منعقد کرن غو مقصد بھارتی فضائیہ غی طرفوں کی جان آلی تیاریاں جن مانہ خاص طور ر ور سرمائی اُپریشن تے شمالی سرحد با رے اُپریشن کرن بارے کی جان آلی تیاریاں غو جائزو لینو ہے۔ اس کا نفرنس مانہ اعلیٰ کمانڈراں نے حکمت عملی سنگ اُپریشن کرن غا منصوبہ ور وی تبادلہ خیال کیو۔ یاد رہ جے یاہ کا نفرنس آتے کل اختتام پزیر ہو جا ئے گی۔

UK India FTA

برطانیہ غا وزیر اعظم سٹارمر کیر نے اعلان کیو ہے جے وہ فری ٹریڈ ایگری منٹ واسطے دوبارہ بھارت سنگ نواں سال غا شروعات مانہ ہی گل بات کرے گو۔ اس گل گو اعلان جناب سٹارمر نے جی 20 غی برازیل مانہ منعقدہ اجلاس غا حاشیہ ور وزیر اعظم نریندر مودی غے سنگ دوطرفہ ملکاں غی گل بات کرن غے دوران کی۔ اس میٹنگ توں بعد برطانیہ غا وزیر اعظم نے کہیو جے بھارت سنگ اک نواں تجا رت سودو کر غے مُلک مانہ ترقی تے نوجواناں واسطے روزگار غا نواں مواقع پیدا ویں گا۔

یہ خبر تم آکاشوانی جموں تیں سُن رہیا ہیں خبراں غا باقی حصہ نال اظہر حسین۔

Shah IPSC

مرکزی وزیر داخلہ امت شاہ نے گجرات غاگا ندھی نگر مانہ 50 وی کُل ہندپولیس سائینس کا نفرنس غو افتتاح کیو۔ اس تقریب غو انعقاد بیورو آف پولیس ریسرچ اینڈ ڈولپمنٹ اور نیشنل رکشا یونیورسٹی نے مشترکہ طور ر ور کیو تھو۔ افتتاح غا موقعہ ور خطاب کرتاں واں وزیر داخلہ نے گذشتہ 50 سالان مانہ بھارت مانہ ہون آلی اہم تبدیلیاں ور تبادلہ خیال کیو۔ جس مانہ عالمی حرکیات نانہ وی متاثر کیو ہے۔ اُنہاں

نے اس گل ور زور پایو کہ ان تبدیلیاں سنگ پولیس اہلکاراں غی نو عیت اور کم کاج مانہ تبدیلی غی ضرورت ہے۔ جناب شاہ نے کہیو کہ گذشتہ دہائی غے دوران مُلک نے سب توں زیادہ تنازعات غا شکار علاقان مانہ تشدد نانہ کہٹ کرن مانہ نمایاں کامیابی حاصل کی ہے۔

Rana Jal Shakti

محکمہ جل شکتی، جنگلات، ماحولیات تے قبائلی امور غا وزیر جاوید احمد رانا نے کہیو ہے کہ سردیاں غے دوران جموں صوبہ مانہ نقل مکانی غی تیاری مانہ محکمہ جل شکتی نے اضافی جوابدہی اور ذمہ داری غے نال لوکاں غی خدمت واسطے اپنا عملہ غے نال نال مشینری نانہ تیار کیو ہے۔ جاوید احمد رانا نے گذشتہ روز سیول سیکریٹریٹ جموں مانہ منعقد محکماں غی اک جائزہ میٹنگ غے دوران چیف انجینئر ہمیش منچندا نے دسیو کہ معیار نانہ برقرار رکھتاں واں پانی غی ضروریات نانہ پورو کرن واسطے شروع کیا جان آلا فعال اقدامات ور وی لو کہلی۔ اس میٹنگ غے دوران جن اہم معاملات ور تبادلہ خیال کیو گیو اُن مانہ پانی غی فراہمی شامل ہے۔ اور دسیو گیو کہ صوبہ پہر مانہ پانی غا ذخائر غی جانچ پڑتال کی گئی ہے تا کہ پانی سپلائی مانہ مدد مل سکے۔ جاوید احمد رانا نے افسراں نانہ پیر پنجال خطہ مانہ بور ویل اور ہیڈ پمپ غی دیکھ بھال تے مرمت کرن غی ہدایت دتی اور افسراں نانہ کہیو کہ تمام علاقان غو معائنہ کریں اور پانی غی کمی غی اطلاع پیش کریں۔ اُنہاں نے متعلقہ افسراں نانہ ہدایت کی کہ وے تمام تر جاری کماں غی بروقت تکمیل واسطے پیش رفت واسطے رفتار تیز کریں۔ اور بعض بے ضابطگیاں غے پیش نظر گُجھ مخصوص کماں غا دوبارہ توں ٹینڈر پیش کیا جائیں۔

Jal Shakti Campaign

مرکزی وزارت برائے جل شکتی نے اج عالمی یوم بیت الخلاء غا موقعہ ور ”ہمارے سوچالے ہمارا سمان“ ناں سنگ 3 ہفتاں غی طبی مہم شروع کی۔ اس مہم غو مقصد صفائی غا بنیا دی ڈھانچہ نانہ بہتر بنانو، روئیہ مانہ تبدیلی نانہ فروغ دینو اور پورا مُلک مانہ بیت الخلاء غی فعالیت اور دیکھ بھال نانہ بدھا غے سماج غا

فخر نانہ مضبوط کرنو ہے۔ اس مہم غے دوران مقابلان غو انعقاد کیو جائے گو۔ اور شہریاں غی حوصلہ افزائی کی جائے گی۔ تاکہ وے سماجی میڈیا پلیٹ فارم غے ذریعے اپنی صفائی غی کامیابی غی کہانی سانجی کر سکیں۔ واضع رہ جے یاہ مہم اگلا مہینہ غی 10 تا ریخ نانہ اختتام پزیر وے گی جس نانہ انسانی حقوق غا قومی دن غا طور رور منایو جائے۔

Security Review JK

جموں زون غا اے ڈی جی پی انڈ جین نے گذشتہ کل سرحدی ضلع پونچھ مانہ حفاظتی صورتحال غو جائزولیو۔ آکاشوانی جموں غا نمائندہ نے خبرٹوری بے جے اے ڈی جی پی موصوف نے حفاظتی دستاں نانہ ہدایت دتی بے جے وے ضلع مانہ خُفیہ نیٹ ورک غی مضبوطی واسطے کم کریں۔ اپنا دورہ غے دوران جناب جین نے حفاظتی دستاں غی طرفوں ضلع مانہ تمام حفاظتی بندوبست کیا جان با رے دیکھیو بھالیو۔ جناب جین نے ضلع مانہ افسراں تے پولیس اہلکاراں سنگ ملاقات کرن توں علاوہ ایس او جی غا جواناں سنگ وی ملاقات کی۔ اے ڈی جی پی موصوف نے افسراں نانہ ہدایت جاری کرتاں واں کہیو جے وے اک دوجہ سنگ نال میل بنا غے بہتر طریقہ سنگ کم کریں۔ اُنہاں نے افسراں غی حوصلہ افزائی کرتاں واں کہیو جے وے برقیاتی مصنوعات غی مدد سنگ ملزماں غے خلاف مضبوط تے ٹھوس ثبوت حاصل کر غے مجرماں نانہ سزا دین غو کم کریں۔ اُنہاں نے مزید کہیو جے وے جلد ہی پُرانا معاملان با رے کم کر غے اُنہاں نانہ ختم کریں۔

اس غے نال ہی خبراں غو یوہ بلیٹن ختم ہوؤ۔